

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR**

Broj: 01-03-1521-6/19

Dana, 04.03.2019 godine

Sarajevo, Vrazova 11

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-1521-5/19 od 04.03.2019 godine, generalni direktor donosi sljedeću:

ODLUKU

**o izboru ponuđača Farmavita d.o.o. Sarajevo
u postupku nabavke broj OP-03/19**

I

Ugovor o nabavci u otvorenom postupku javne nabavke broj OP-03/19, sa predmetom nabavke i isporuke laboratorijski reagensi i potrošni materijal aplikabilan na postojeću tehnologiju aparate Cobas C501 i C311 proizvođača Roche ili ekvivalent, za potrebe Javne ustanove Dom zdravlja Kantona Sarajevo, dodjelit će se ponuđaču: **Farmavita d.o.o. Sarajevo.**

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Na osnovu Posebne Odluke broj 01-03-1521/19 od 05.02.2019 godine, o pokretanju postupka javne nabavke broj OP- 03/19, pokrenut je otvoreni postupak sa predmetom nabavke laboratorijski reagensi i potrošni materijal aplikabilan na postojeću tehnologiju aparate Cobas C501 i C311 proizvođača Roche ili ekvivalent, za potrebe Javne ustanove Dom Zdravlja Kantona Sarajevo.

Obavještenje o nabavci objavljeno je na Portalu javnih nabavki dana 06.02.2019 godine, pođ brojem29-1-1-4-3-8/19 .

Ugovorni organ proveo je aktivnosti vezane na nabavku u skladu sa odredbama Zakona o javnim nabavkama .

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da je za postupak nabavke OP 03/19 nabavke i isporuke laboratorijski reagensi i potrošni materijal aplikabilan na postojeću tehnologiju aparate Cobas C501 i C311 proizvođača Roche ili ekvivalent, pristigla jedna ponuda ponuđača Farmavita d.o.o. Sarajevo, koja ispunjava sve formalno pravne zahtjeve, kao i sve tražene tehničke karakteristike i zahtjeve ugovornog organa tražene tehničkom specifikacijom. Sa ekonomskog aspekta Komisija je konstatovala da se ponuda uklapa u procijenjenu vrijednost, čime u potpunosti ispunjava sve traženo Tenderskom dokumentacijom.

Komisija na dalje daje preporuku generalnom direktoru da dodjeli ugovor kvalifikovanom ponuđaču **Farmavita doo Sarajevo**, koji ispunjava zahtjeve ugovornog organa u formalno pravnom, ekonomskom i tehničkom smislu za ukupnu ponuđenu vrijednost ugovora u iznosu od **46.796,47 KM** sa uračunatim PDV-om (17%) .

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Farmavita d.o.o Sarajevo**
- (Ul. Igmanska br. 5A , 71320 Vogošća)
- **JN**
- **a/a**

GENERALNI DIREKTOR
Mr. med. sci. prim. dr. Fuad Husić
spec. porodične/obiteljske medicine

